



札  
樸

卷三之四  
覽古



札樸第三目錄

覽古

灤水

密山

咨事為謀

瓜裂

鹽

木頭

坐

類

伎

李

例

幹

青黑

牙

熹微

樽

嫫媼

棧

狂屈

醪

豹直

篤

允吾

寒具

儻

李尚隱

通之

薦柱

女字繫姓

黠

東閣

棺和

竭來

班劍

象輅

黑水

頡頏

淪

膚寸

列

先游

臕

撰

螯

飲器

充隱

援

貂

齷齪

諛

假

麤

哈

張仲景

何侯

蔡文姬

安車

鬪場

油火

憚

三刀為州

離樓

森忽

籤

料

蜀先主名字

緹縉

職儀

弄

卵蒜

油油

行藥

拾

蛭

籒

耗

酌

釋詁釋言釋訓

以舟量物

亢聞

補文選注

檇

點

列口

需

涉躡

灌佛

刊山

生

獨斷

羸

強近

加治點

帶

專輒

水冶

風不鳴條

涎

雪桃

彭越

漸離

貼帖

染輪

椹楛

葩

葦

拔

鞞

都市

白疊布

赭白馬

札樸第三目錄終

札樸第三

曲阜 桂馥

未谷



覽古

灤水

說文濡水出涿郡故安從水需聲人朱切廣韻濡水名出涿郡乃官切通鑑魏主珪北巡至濡源注云濡音乃官翻馥案濡水卽灤水酈注水經云汗水北入難河濡難聲相近通鑑開元二年薛訥擊契丹行至灤水山峽中爲伏兵所敗卽濡水也

隸體需與相溷故有人朱乃官二切

伎

玉篇伎下云慎伎害心漢書地理志民俗慎伎鹽鐵論  
伎害不恭詩雄雉不伎不求傳云伎害箋云我君子之  
行不疾害論語引詩不伎不求馬融曰伎害也

密山

穆天子傳於是得玉榮枝斯之英郭注云山海經曰黃  
帝乃取密山之玉榮而投之鍾山之陽是也馥案西山  
經作崧山又云崧山多丹木黃華赤實陶讀山海經詩  
丹木生何許乃在崧山陽崧音密以同音借密字詩詁  
云凡玉之生有榮有英有華榮謂玉之始生如草木之

榮也

李

俗書學字作李亦有所承宋景文云北齊時里俗多作  
偽字以文子為學馥案李乃李之變體李通用學漢碑  
作學變爻為夂其來已久不始於北齊

咨事為謀

魯語咨事為謀韋注云事當為難傳曰咨難為謀馥謂  
事即難事不煩改就傳文詩周爰咨謀毛傳云咨事之  
難易為謀是也又案春秋繁露聽作謀謀者謀事也呂  
氏春秋謀者疑也疑則從義斷事鄭注大傳君聽不聰

則是不能謀其事也凡此皆主事言

例

家語刑政篇刑例也例成也壹成而不可更故君子盡心焉鄭注秋官司寇引孝經說刑者例也過出罪施賈疏云孝經援神契五刑章曰刑者例也過出罪施者下例爲著也行刑者所以著人身體過誤者出之實罪者施刑馥謂著人身體故壹成而不可更

瓜裂

草黃菟瓜御覽引孫炎云一名瓜裂釋草下文云菟菝豕首孫以菟字上屬御覽譌作裂說文菝不云菟菝馥

疑釋草當是黃菟瓜瓜菟表二名說文云菟瓜不及瓜菟者但舉正名耳

幹

淮南時則訓令百工審金鐵皮革筋角箭幹脂膠丹漆無有不良案幹借字正作稗長笛賦作箭橐是也周禮夏官有橐人掌弓弩之事考工記矢人爲矢以其筈厚爲之羽深鄭注筈讀爲橐謂矢幹

鹽

樂府昔昔鹽鹽借字當爲豔郊特牲而流示之禽而鹽諸利以觀其不犯命也注云鹽讀爲豔行田示之以禽



使歆豔之觀其用命不也

### 青黑

或問青黑異色今呼黑布爲青布何故荅之曰禮器或素或青夏造殷因鄭注變白黑言素青者秦二世時趙高欲作亂或以青爲黑黑爲黃民言從之至今語猶存也馥案禹貢厥土青黎王肅云青黑色

### 木頭

木以頭偁取義於人頭考工記車人之事半矩謂之宣注云矩法也所法者人也半矩尺三寸三分寸之一人頭之長也柯櫛之木頭取名焉引易巽爲宣髮疏云下

云一宣有半謂之櫛一櫛有半謂之柯柯櫛皆從宣上取數故云頭取名焉猶言取名於頭也馥謂柯櫛諸器初以人頭取度其後無度之木亦沿頭偁蓋古者寸尺咫尋常仞諸度量皆以人之體爲法故半矩法人頭工師伐木必有度隨稱木頭

考工記車人爲車轂長半柯輻長一柯有半鄭司農云柯長三尺謂斧柯因以爲度馥謂柯既有準工師遂用量物詩云伐柯伐柯其則不遠

### 平

周禮以參互攷日成故書互爲巨杜子春讀爲參互掌

舍設桎杻再重故書杻為柜杜子春讀為桎杻脩閭氏  
掌比國中宿互櫜者故書互為巨鄭司農云巨當為互  
謂行馬所以障互禁止人也互巨易譌故隸變互為互

坐

文選張茂先雜詩蘭膏坐自凝李善云無故自凝曰坐  
張景陽雜詩百籟坐自吟李云無故自吟曰坐

熹微

文選歸去來辭恨晨光之熹微李善引聲類熹亦熙字  
熙光明也案管子侈靡篇古之祭有時而星熿注云熿  
星之明或有祭明星者馥謂熿為星光晨星將沒故微

也

類

周書大開武曰滌文破典典不式教民乃不類案王注  
楚辭類法也

擗

廣韻擗挫趨也案此注兩義當云挫也趨也戰國策伏  
軾擗銜注擗挫也曲禮君子恭敬擗節退讓以明禮注  
擗猶趨也

嫫媧

韓退之元和聖德詩日君月妃煥赫嫫媧注云煥赫謂

日嫫媿謂月言日月光媚也太元膏膏之離不宜熒且  
媿注云膏膏猶蔓蔓離爲日熒爲月君蔓然若日之將  
出不宜熒然若月之將毀案韓詩本此而意實不同說  
文媿媿也一曰弱也本兩義韓詩媿媿謂美好古樂  
府珠佩媿媿戲金闕是也大元熒且媿則弱意也

棧

史記日者傳今夫卜者必法天地象四時順於仁義分  
策定卦旋式正碁然後言天地之利害事之成敗庾開  
府詩楓子留爲式桐孫待作琴廣韻楓木名子可爲式  
孫炎注爾雅云榻榻生江上有奇生枝高三四尺生毛

一名楓子周禮春官太史抱天時與太師同車鄭司農  
云大出師則太史主抱式以知天時處吉凶漢書藝文  
志有羨門式法通作棧王莽傳天文郎案棧於前廣雅  
曲道棧榻也榻有天地所以推陰陽占吉凶以楓子棗  
心木爲之

奇生枝廣韻作棧又作棧云木別生也

狂屈

甘泉賦捎夔魑扶僑狂李頤說狂屈併張似人而非也

狂屈卽僑狂信案莊子知北遊篇登狐闕之上而睹狂屈李注狂屈似人而非也

醜

廣雅醪酢也案伊尹曰酸而不嚼說文嚼食辛嚼也醪  
卽嚼之異文

豹直

見聞錄御史舊例初入臺陪直比五日衆官皆出此人  
獨留曰豹直案豹卽徠廣韻徠直史官集韻徠越也漢  
制新到官府併上直謂之徠今俗謂程外課作者爲徠  
工馥案漢制疑作唐制唐志有之

薦

余過湖南見漳上安小蓬曩聞楚謂筏上居曰薦此是  
歟

允吾

漢志金城郡有允吾縣案允吾蠻夷充耳或作琬瑋又  
名瑁琬廣韻琬充耳玉吾讀若牙

寒具

干寶說司徒儀吏死祭用麟麩三十韻會麟麩環餅也  
卽今寒具集韻餽餽寒具又云寒餽餅屬廣韻膏糗柜  
糗楚辭招魂柜糗蜜餌有餽餽些注以蜜和米麪煎熬  
作柜糗也馥案膏糗今以麪作先煎以膏次和以蜜著  
手易汗故看書畫不復設寒具

儻

方言南楚凡罵庸賤謂之田儻高誘淮南注穰椽塊椎也三輔謂之儻案集韻儻與嫿同說文嫿遲鈍也闕嫿亦如之馥謂椽塊椎鈍器也故謂之田儻

### 李尚隱

夏英公古文四聲韻引李尚隱字畧或改作商隱案舊唐書開元二十八年六月太子賓客李尚隱卒新唐書亦有傳

### 通之

張謙中復古編跋尾有篆書數行署曰通之不知爲誰後見董史皇宋書錄云張察字通之成都記云成都人

嘗帥鼎州以篆名今成都題榜往往通之筆也案董史字更良其自序在淳祐壬寅跋尾在咸淳乙丑

### 薦柱

南齊王敬則傳材官薦易殿柱案工欲換柱先承以他木而薦其下使高於舊柱則舊柱方可抽去薦猶藉也

### 女字繫姓

後漢書班昭字惠班荀采字女荀此猶左傳稱敬姜懿姬蓋女子旣嫁從夫之姓故繫以本姓明其所出

### 鼈

通鑑宋前廢帝入廟指世祖像曰渠大鼈鼻如何不鼈

立召畫工令魑之注魑壯加反鼻上匏也南史前廢帝紀肆罵孝武帝爲麟奴玉篇作魑壯加切鼻上匏也馥案魑俗字猶榼省作查今俗言糟鼻人不飲酒枉受虛名卽魑鼻也廣韻又作戲

### 東閣

漢書朱雲傳薛宣爲丞相雲往見之宣備主禮謂雲曰在田野亾事可留我東閣雲曰小生乃欲相吏邪說者謂公孫宏開東閣延賢人宣亦欲致雲於客館馥以爲果如所言則雲不應有相吏之語案丞相掾屬有祭酒欲置雲爲東閣祭酒耳曹操作相猶有軍謀祭酒胡廣注漢官篇武帝時丞相設四科以辟人德妙爲第一科乃補南閣祭酒考南閣祭酒爲太尉西曹掾許叔重曾官此職隸釋司空孔扶碑有東閣祭酒丞相亦當有之魏書羊肅武定末儀同開府東閣祭酒

### 棺和

廣雅棺當謂之厖又云厖棺頭玉篇作稭呂氏春秋昔王季歷葬陽山之尾爨水齧其墓見棺之前和高誘曰棺題曰和謝惠連祭古冢文中有二棺兩頭無和集韻爨沙丘絕水橫流也

### 竭來

張衡思元賦回志竭來從元謀陸機弔魏武帝文詠歸  
塗以返旆登峻澠而竭來案竭去也竭來猶去來故陶  
公有歸去來辭

### 班劍

漢官儀班劍以虎皮飾之晉公卿禮秩諸公及開府位  
從公者給虎賁三十人持班劍焉案通鑑宋太子劭使  
班劍排江湛注云班劍持劍爲班列在車前又唐高祖  
葬平陽昭公主詔加班劍四十人注云班列也持劍成  
列夾道而行也宋書張敬兒旣得開府又望班劍與人  
曰我車邊猶少班鬪物

### 象輅

本朝鑾儀凡有事於天地壇則象輅先行九馬僅牽一  
輅一象駕之如輕車焉案晉諸公贊云南越致馴象爲  
作車黃門鼓吹數十人令越人騎之每正朝大會皆入  
充庭帝行則以象車導引以試橋梁

### 黑水

山海經大荒經西海之南流沙之濱赤水之後黑水之  
前有大山名曰崑崙之丘馥案黑水謂渤澤西山經長  
沙之山泚水出焉北流注於渤澤郭注渤水色黑也西  
次三經槐江之山丘時之水出焉而北流注於渤水南

望崑崙馥案經言南望是崑崙在黑水之前矣

頡頏

揚雄解嘲鄒衍以頡頏而取世資夏侯湛東方朔畫贊  
苟出不可以直道也故頡頏以傲世案頡頏猶上下浮  
沈也詩燕燕于飛頡頏之傳云飛而上曰頡飛而下  
曰頡揚雄長楊賦魚吉而鳥眈

澗

浙或作澗又作制莊子外物篇自制河以東浙或作獬  
淮南汜論訓獬徇之驚以殺子陽折亦作制莊子庚桑  
楚尋常之溝而鯢鮪為之制注制折也小魚得曲折也

書呂刑制以刑墨子引作折則刑論語折獄魯論作制  
獄崔駰達旨陰陽始分天地初制皇綱云敘帝紀乃設  
制折聲相近

膚寸

公羊傳膚寸而合尚書大傳作扶寸鄭注四指為扶案  
此言雲之薄小也應休璉與從弟書扶寸肴脩味逾方  
丈

列

任昉彈劉整文輒攝整亾父舊使奴海蛤到臺辨問列  
稱云云沈約彈王源文輒攝媒人劉嗣之到臺辨問嗣



之列稱云云案司馬遷報任安書拳拳之忠終不能自  
列李善引說文列分解也

先游

鄒陽獄中上書故有人先談則枯木朽株樹功而不忘  
李善云談或爲游案先游卽先容故下文云素無根柢  
之容

脰

鹽鐵論羊淹雞寒曹子建七啟寒芳苓之巢龜李善云  
寒今脰肉也案廣韻脰與鯖同卽五侯鯖楚辭煎鯖臠  
雀

撰

唐書百官志史館修撰掌國史今以作文爲撰文案古  
無撰字說文撰具也晉書音義引字林詮具也謂具說  
事理馥謂撰具亦作此解魏文帝與吳質書撰其遺文  
都爲一集此編集朋友之文亦曰撰

蟹

史記天官書其蟹者類闕旗晉書音義云蟹字見蒼頡  
篇

飲器

戰國策趙襄子殺智伯漆其頭以爲飲器注云溺器或

曰酒器案濁器是也晉書載記姚方成三斬徐嵩漆其首爲便器

### 充隱

顏運生誦舊句云市多充隱客朝有噉名僧案晉書桓玄傳玄以歷代咸有肥遯之士而已世獨無乃徵皇甫謐六世孫希之爲著作并給其資用皆令謝而不受號曰高士時人名爲充隱

### 援

謝康樂有田南樹園激流植援詩云激澗代汲井插槿當列墉晉書桑虞傳虞園瓜果初熟有人踰垣盜之虞以園援多棘刺恐盜驚走致傷使奴爲之開導馥案援集韻作援籬也音于眷切

### 貂

或問釋名云貂短也其義何解答之曰貂當爲貂廣韻貂短尾犬也晉書張天錫傳從事中郎韓博有口才桓温使刁彝嘲之彝謂博曰君是韓盧後邪博曰卿是韓盧後温笑曰刁以君姓韓故相問焉他自姓刁那得韓盧後邪博曰明公脫未之思短尾者則爲刁也一坐推歎焉案貂刁聲近故借爲說

### 齷齪

史記司馬相如傳委瑣握齷漢書酈食其傳握齷好苛  
禮應劭曰握齷急促之貌韋昭曰握齷小節也晉書張  
茂傳茂築靈鈞臺周輪八十餘堵高九仞吳紹諫曰遐  
方異境窺我之齷齷也必有乘人之規案紹意以修臺  
爲不急之小事與韋說合樂府放歌行小人自齷齷安  
知曠士懷狄仁傑對武后曰豈文士齷齷不足以成天  
下務哉

詔

集韻詔輕也江東語案晉書趙王倫傳愚嚚輕詔淮南  
修務訓越人有重遲者而人謂之詔注詔輕利善趨者

說文詔下云一曰詔猶案卽狡猶廣雅詔猶也

假

趙盾將朝尚早因假寐卻詵葬其母於所住堂北壁外  
謂之假葬潘岳爲楊駿主簿駿誅當坐公孫宏護持岳  
謂之假吏

麩

晉書皇甫謐傳况臣糠麩糝之雕胡玉篇麩與麩同大  
麥也一切經音義麩麥糠也齊民要術旱稻法宜五六  
月曠之以擬麩麥

哈

廣韻哈笑也呼來切胡注通鑑云哈呼來翻楚人謂相  
啁笑曰哈案古無此字蓋卽嗤之異文楚辭九章忠何  
辜以遇罰兮亦非余之所志也行不羣以顛越兮又衆  
兆之所哈也束皙立居釋束皙閒居門人竝侍方下帷  
深談隱几而哈含豪散藻考撰同異馥謂楚辭與志爲  
韻立居釋與侍異爲韻則廣韻之呼來切乃轉音也

### 張仲景

今醫家以張仲景爲宗主而見稱於前人者絕少惟皇  
甫謚釋勸云若皇帝創制於九經岐伯剖腹以蠲腸扁  
鵲造號而尸起文摯狗命於齊王醫和顯術於秦晉倉  
公發祕於漢皇華佗存精於獨識仲景垂妙於定方謚  
又云仲景論伊尹湯液爲十數卷案藝文志有湯液經  
法三十二卷事物紀原湯液經出於商伊尹

### 何侯

晉書王祥傳文帝爲晉王祥與荀顛往謁顛謂祥曰相  
王尊重何侯旣盡敬今便當拜也案何侯謂何曾曾與  
高柔鄭沖入見晉王曾獨致拜盡敬柔沖揖而已

文帝晉書誤作武帝何曾傳不誤

### 蔡文姬

蔡中郎共生幾女不可考而文姬則其少女也嫁上黨

太守羊衞者年長於文姬卽晉景帝羊后之母

弟  
羊祜傳父衞上黨太守祜蔡邕外孫景獻皇后同產

### 安車

周禮王后有安車漢徵年老有道之士亦以安車晉書  
輿服志坐乘爲安車倚乘爲立車

### 緹縹

楚辭九懷襲英衣兮緹縹洪氏補注縹縹衣也馥謂此  
據說文爲說後漢書應劭傳緹縹十重注云緹縹謂鮮  
明之衣與洪異

### 鬪場

宋書天竺國傳鬪場禪師窟東安談義林或問鬪場所  
在案晉成帝咸和中詔內外諸君戲兵於南郊之場故  
其地因名鬪場見晉書禮志

### 職儀

太平御覽多引齊職儀案梁書周興嗣傳所撰皇帝實  
錄皇德記起居注職儀等百餘卷當卽興嗣撰也

### 油火

余油紙百翻越歲取用皆有火炷小孔友人言其油衣  
亦自林案梁書樂藹傳時長沙宣武王將葬而車府忽

於庫失油絡欲推主者藹曰昔晉武庫火張華以爲積油萬石必然今庫若有灰非吏罪也旣而檢之果有積灰時稱其博物宏恕焉

𠄎

尙書序皋陶矢厥謨釋文云矢本又作𠄎隸釋唐扶頌惟直如𠄎案說文匕部𠄎下云𠄎古文矢字馥謂𠄎隸體從古文變也廣韻以𠄎爲俗字

憚

梁書裴子野傳性不憚憚情無汲汲案廣雅𠄎憚懷憂也馮衍顯志賦終𠄎憚而洞疑

卯蒜

夏小正十有二月納卯蒜古今注蒜卯蒜也俗人謂之小蒜馥案卯蒜澤艸冬生故十二月納之

莊君述祖曰納卯蒜當爲納民𠄎民古文作𠄎隸譌作卯又於𠄎上加艸

三刀爲州

晉書王濬傳三刀爲州字州本不從刀因班辨從刀隸作𠄎似州之半體故謂州爲三刀慕容詳時童謠云八井三刀卒起來議者謂魏師盛於冀州此亦以三刀爲州

油油

箕子麥秀歌禾黍油油束皙補亡詩厥草油油案禹貢厥草惟繇傳云繇茂也釋文引馬融注抽也馥謂油繇當為繇說文繇艸盛兒

易坤卦其所繇來者漸矣又繫辭爻繇之辭所以明得失韋昭云繇由也吉凶所由生也漢書文帝紀列侯亦無繇教訓其民顏注繇讀與由同

離樓

長門賦離樓梧而相撐李善注離樓攢聚衆木之貌馥案說文廛屋麗廛也囧窗牖麗廛闔明此賦言窗甃疏

脰離樓梧撐皆異文也梧當為梧撐當為堂

行藥

文選有鮑明遠行藥至城東橋詩五臣注服藥行而宣導之馥案潘安仁閒居賦體以行和藥以勞宣嘗膳載加舊病有痊行藥卽勞以宣藥也李善引左傳注宣散也

焱忽

張平子思元賦乘焱忽兮馳虛無舊注引服虔甘泉賦注焱風也五臣云焱忽虛無皆空也馥案說文颺扶搖風也颺疾風也焱忽卽颺颺之省文

晉書五行志引京房易傳臣易上政茲謂不順厥風  
大猷發屋

拾

班孟堅幽通賦匪黨人之敢拾兮應劭曰拾更也自謙  
不敢與鄉人更進也案儀禮鄉射禮取弓矢拾疏云遞  
取弓矢也禮記投壺左右告矢具請拾投疏云賓主更  
遞而投也

籤

今於神前求籤問卜卽讖緯之遺說文讖籤竝訓驗

蛻

上林賦獬胡穀蛻李善云蛻未聞案山海經卽公之山  
有獸焉其狀如龜而白身赤骨名曰蛻是可以禦火

料

蜀都賦神農是嘗盧附是料五臣注扁鵲俞附皆料此  
藥而用之馥謂料量也蓋言料量藥之升勺銖兩今猶  
謂合藥爲一料

移

爾雅釋宮連謂之移郭注堂樓閣邊小屋今呼之移廚  
連觀也東京賦諺門曲榭五臣注宮室接謂之諺西京  
賦聯以昆德李善注引說文聯連也廣韻榭移也馥案



移謬正作謬謬門趙策作謬門高誘注謬別也說文謬  
離別也周景王作洛陽謬臺然則東京賦之謬門因謬  
臺得名薛綜以謬門爲冰室門未審所據或以爲連或  
以爲別據郭注則小屋連於大屋實別成一構其義相  
通

### 蜀先主名字

蜀先主名備字玄德備謂五采備考工記畫績之事五  
采備謂之繡詩終南傳云五色備謂之繡馥案五色至  
黑乃備故字玄德

耗

張華博物志周穆王有犬名耗案玉篇耗力才力咨二  
切强毛也亦作髦練馥謂竝當作釐說文釐彊曲毛可  
以箸起衣从犛省來聲

酌

玉篇酌許具切酌同上案句當讀鈞音非章句之句鈞  
凶聲相近春秋考異郵喉凶合韻是也

灌佛

宋書劉敬宣傳敬宣八歲喪母四月八日見衆人灌佛  
乃下頭上金鏡以爲母灌案灌佛鑄金像佛也文選七  
命乃鍊乃鑠萬辟千灌李善注灌謂鑄之王粲刀銘灌

辟以數又案四月八日鑄佛日也顏運生得一銅佛有文云開皇十九年四月八日

釋詁釋言釋訓

趙宦光曰通古合今日釋詁以今合古曰釋言釋其所釋曰釋訓

刊山

隋書徐則傳陳太建時應詔來又辭入天台山太傅徐陵爲之刊山立頌案刊山卽摩崖班孟堅封燕然山銘乃遂封山刊石昭銘盛德

以舟量物

魏志鄧哀王沖生五六歲智意所及有若成人時孫權致巨象太祖欲知其斤重訪之羣下咸莫能出其理沖曰置象大船而刻其水痕所至稱物以載之則校可知矣太祖大悅馥案古有此法符子曰朔人獻燕昭王以大豚命豕宰養六十五年大如沙墳王令衡官橋而量之折十橋又命水官舟而量之其重千鈞此事在魏太祖前蓋後人之智偶合於古耳

生

魏書儒林張吾貴傳曾在夏學聚徒而不講傳生徒竊云張生之於左氏似不能說又徐遵明傳師事張吾貴

乃私謂其友人曰張生名高而義無檢格馥案漢經師多稱生如伏生歐陽生是也賈誼董仲舒皆稱生史記吾聞之周生後漢書黃憲傳陳蕃周舉傅憲爲黃生潘岳秋興賦善乎宋生之言七畧禮家先魯有桓生劉歆移太常博士書膠東庸生之遺學鄭康成書序贊我先師棘下生又案先生或單稱一字貢禹傳朕以生有伯夷之廉史魚之直顏注生謂先生也古今人表嚴先生史記越世家稱莊生蘇秦傳蘇生徐廣曰生一作先漢書梅福傳叔孫先晁錯傳學申商刑名於軹張恢先所徐廣曰先卽先生此傳未有鄧公漢書作鄧先顏注鄧先猶言鄧先生也

亢閔

說文閔門高也新附閔字云閔閔高門也甘泉賦閔閔閔其寥廓兮魏書明元六王傳高允曰易稱亢龍有悔窮高曰亢詩縣釋文云伉本又作亢韓詩作閔周禮閔人疏引詩作亢文選西京賦高門有閔李善注云毛詩皋門有伉與閔同案說文伉閔也閔伉當爲阬

獨斷

南齊書禮志云及至東京太尉胡廣撰舊儀左中郎蔡邕造獨斷又云晉初荀覲因魏代前事撰爲晉禮羊祜

任愷庾峻應貞共刪集成百六十五篇後摯虞傳咸續此製今虞之決疑注是遺事也馥案虞之決疑與蔡氏獨斷同意皆一代朝儀也今獨斷已非完書後人不知爲史家典要等之稗官說部豈不誣乎

補文選注

隋書禮儀志指南車大駕出爲先啓之乘漢初置俞兒騎竝爲先驅左太沖曰俞騎騁路指南司方志又曰沈約云親幸耕藉御之三蓋車一名芝車又名耕根車置耒耜於軾上卽潘岳所謂紺轅屬於黛耜者也馥謂此二條可作藉田賦注李善五臣皆漏引

𧈧

詩螽斯羽薨薨兮又蟲飛薨薨玉篇𧈧蟲飛也

𧈧

莊子枝指崔云音歧謂指有歧也馥案或借枳字釋地中有枳首蛇焉郭云歧頭蛇也孫云蛇有枝首者

強近

隋書許善心傳單宗少強近虛室類原顏案強謂強盛近謂近幸李密表外無期功強近之親王僧孺與何炯書外無奔走之友內乏強近之親月令雖有貴戚近習注云近習天子所親幸者

點

袁宏三國名臣贊如彼白圭質無塵點司馬遷報任安書適足以見笑而自點耳北史李彪傳臣罪既如此宜伏東皋之下不應遠點屬車之清塵甄琛傳緇點皇風塵鄙王化隋書裴政傳豈敢以無端之言妄相點累房彥謙傳非止誣陷良善亦恐大點皇猷王孝籍傳追究執事有點清塵宋書庾炳之傳非但虧點王化乃治亂所由魯爽傳兄弟闔門淪點僞授徐湛之傳豈不知醜點難嬰仗劍爲易謝莊傳樹無益之軌招塵點之風魏書道武七王傳非直有點清風臣恐取嗤荒遠晉書郭

璞傳塵點日月穢亂天聽沈約彈王源文點世塵將被比屋通鑑唐太宗曰寸雲點日何損於明馥案點與玷同南齊書庾杲之傳玷塵明世文選補亾詩鮮侔晨葩莫之點辱李善注引孝經鉤命決曰名毀行廢玷辱先人楚辭九辨或黜點而汙之注曰點汙也點玷古字通晉書何琦傳塵黷清朝黷亦點也

加治點

史傳言文不加點又言文不治點案加謂增字治謂改字點謂減字

陳書蔡景歷傳對使人答書筆不停書文不重改通

鑑宋毛德祖遣人說奚斤云公孫表與之連謀每答表書多所治定表以書示斤斤疑之

列口

漢志樂浪郡有列口縣卽方言所傳洌水

帶

周易訟卦釋文云帶音帶亦作帶禮雜記率帶釋文同馥案帶漢碑作帶楷書變作帶非異文也詩都人士釋文作帶

需

周易釋文需從雨重而者非案漢碑需多作需故曰重

而

專輒

顏氏家訓多用專輒字蓋習語也王濬上書案春秋之義大夫出疆由有專輒桓温上表義存社稷之利不顧專輒之罪王弘上表敢引覆餗之刑甘受專輒之罪范甯傳甯若以古制宜崇自當列上而敢專輒惟在任心北史楊愔傳專輒之失罪合萬死又崔鴻傳愚賤無因不敢輕輒南齊書盧陵王傳凡諸服章自今不啟吾知復專輒作者後有所聞當復得痛杖檀弓汰哉叔氏專以禮許人正義云專輒許諾匡謬正俗劉周之徒音夾

爲頰亦爲專輒晉王蘊爲吳興太守郡荒人飢開倉贍恤主簿執諫蘊曰專輒之愆罪在太守

### 涉躐

漢時書少學者皆能專精晉宋以後四部之書卷袤千萬遂有涉躐之學北齊書柳世隆傳世隆性愛涉躐啟太祖借祕閣書上給二千卷

### 水冶

彰德府西行四十里有地名水冶蓋昔人作水排處因以名也排謂排囊以韋爲之鼓風吹炭用冶鐵巧者以水代人故曰水冶張璠漢記杜詩爲太守爲冶家作水

排後漢書杜詩傳造水排鑄農器注云冶者爲排以吹炭今激水鼓之武昌記北濟湖本是新興冶塘湖元嘉初廢水冶水冶者以水排冶令顏茂以塘數破壞難施功力因廢水冶以人鼓排謂之步冶魏志韓暨爲監冶謁者舊時冶作馬排每用馬百匹更作人排又費功暨乃因長流爲水排利益三倍今彰德水冶久廢昧其名義故土人不知也

排玉篇作囊云吹火囊蒲拜切廣韻又作韞云韞囊

### 吹火

風不鳴條

易稽覽圖曰太平時陰陽和合風雨會同海內不偏地  
有阻險故風有遲疾雖太平之政猶有不能均惟平均  
乃不鳴條

涎

說文次慕欲口液也俗作涎賈誼書垂涎相告又作涎  
文選江賦噴浪飛涎案涎次聲近張平子東京賦乃羨  
公侯卿士登自東塗薛綜注羨延也周禮璧羨以起度  
鄭司農云羨長也史記衛世家共伯人釐侯羨自殺索  
隱云羨音延

雪桃

家語黍以雪桃蓋桃有毛以黍沐之玉藻沐稷而饋梁  
正義云取稷梁之湯汁用將洗面沐髮竝須滑故也列  
子齊景公雪涕晏子春秋作刷涕釋詁刷清也馥謂當  
作叔說文叔拭也韓非子管仲雪桓公之恥于小人而  
生桓公之恥於君子矣史記貨殖傳范蠡既雪會稽之  
恥楚世家王雖東取地於越不足以刷恥必且取地於  
秦而後足以刷恥於諸侯孟子寡人恥之願比死者一  
洒之唐書李靖傳足澡吾渭水之恥矣蕭銑傳是以痾  
心疾首思刷厥恥謝莊詩雪怨園邑埽恥瀛縣李華樂  
生讚既佐弱燕削恥南伐嵇康琴賦懲躁雪煩然則叔



也酒也澡也沐也掃也削也皆雪也高注淮南云雪拭也

爾雅釋木桃曰膽之孔穎達曰桃多毛拭治去毛令色青滑如膽也

彭越

案古人姓連姓名為彭者彭是姓連姓將以越字附會為蟞且蟞是海虫字越字尤從孝漢與此等字也若連姓解為越在廣後傳人曰越屬管屬之

漢有彭越卽彭蠡崔豹古今注彭蠡小蟹也嶺表錄異彭蠡吳呼為越蓋語譌也晉書夏統傳或至海邊拘蟻蠃以資養馥案古人名多取物名故知彭越取義彭蠡也古今注又云彭蠡其有螯偏大者名擁劔俗謂之越王劔馥謂蠡轉為越故俗又傳會為越王耳集韻彭蠡

似蟹而小或作蟞

漸離

史記刺客列傳有高漸離廣韻蜥蠃蟲名

貼帖

玉篇貼字云以物質錢案宋書何承天傳時有尹嘉者家貧母熊自以身貼錢為嘉償責南齊周顒傳販傭貼子權赴急難魏書肅宗紀七品六品祿足代耕亦不聽錮貼店肆爭利城市任昉奏彈劉整云整兄弟未分財之前整兄寅以當伯貼錢七千共衆作田又額外更加為帖通鑑隋崔仲方上書今惟須武昌以下蘄和滁方

吳海等州更帖精兵胡注帖添帖

### 染輪

子虛賦割鮮染輪李奇曰鮮生也染擣也切生肉染車輪鹽而食之賦又云脗割輪焯韋昭曰焯謂割鮮焯輪也郭璞曰焯染也馥謂染輪田獵血祭之禮春官大祝辨九祭六曰擣祭注云擣讀爲虞芮之芮馥謂芮焯聲近焯輪卽擣祭說文擣染也史記荆軻傳使工以藥焯之索隱曰焯染也宋書南史以蠕蠕爲芮芮胡注通鑑芮芮卽蠕蠕魏呼柔然爲蠕蠕南人語轉爲芮芮

### 椹椹

梁書劉杳在任昉坐有人餉昉椹酒而作椹字昉問杳此字是不杳對曰葛洪字苑作木旁若馥案張衡南都賦棗棗若榴廣雅椹榴柰也集韻椹直忍切木名汁可爲酒椹椹音別自是兩物作椹者是

### 菴

幽通賦安惛惛不菴兮曹大家曰菴避也馥謂義本周易肥遯釋文引子夏傳肥饒裕疑古周易別有說

### 簋

五經文字艸部有簋字云見禮經注案士冠禮注簋簋竝從竹說文口盧飯器以柳爲之或从竹去聲亦不从

艸類篇口或作蔞

校

玉篇校報也此與顏子犯而不校合郭忠恕佩觿分校  
校爲二字周禮夏官校人釋文云校字從木若從手旁  
是比校之字耳

韌

字林韌柔也通俗文作朋云物柔曰朋管子筋朋而骨  
強

都布

後漢書公孫述爲馬援制都布單衣案通鑑漢明帝行

養老禮三老服都紵大袍注云績紵以爲美布故曰都  
紵都布布之美者也纂文都致錯履無極皆布名

白疊布

史記貨殖傳苳布千匹注云苳布白疊也趙書石勒建  
平二年大宛獻白疊魏畧文帝詔曰代郡黃布爲細樂  
浪練爲精江東大末布爲白故不如白疊布鮮潔也宋  
元嘉起居注毘加黎國奉細疊兩張吳時外國傳諸薄  
國女子織作白疊花布梁書高昌國有草實如蠶蠶中  
絲如細纒名爲白疊子國人多取織以爲布布甚軟白  
唐書高昌有草名白疊擷花可織爲布又云婆利出吉

貝吉貝草也緝其花爲布粗曰貝精曰疊又云杜薄國  
女子作白疊花布金毘利逝國衣朝霞白疊隋書真臘  
國常服白疊王維詩手巾花疊淨杜甫詩光明白疊巾  
是也玉篇作氎云毛布也廣韻氎細毛布廣志白氎布  
毛織王建詩毛氎家家織梅堯臣詩童袍毳氎鮮是也  
後漢西南夷傳哀牢夷知染采文繡罽毼帛疊闌干細  
布織成文章如綾錦唐書驃國傳鈴鉞皆飾條紛以花  
氎縷爲藻又云樂工皆崑崙衣絳氎朝霞爲蔽膝温庭  
筠詩錦疊空林委墜紅是也南史扶南王坐則偏踞翹  
膝垂左膝至地以白疊敷前方回詩坐寒乏氎氎是也

方勺曰閩廣多種木綿紡績爲布名曰吉貝海南蠻  
人織爲巾卽古所謂白疊布

### 赭白馬

顏延年赭白馬賦注家不言馬從何來馥以爲高句驪  
所獻宋書高句驪王高璉晉安帝義熙九年遣長史高  
翼奉表獻赭白馬宋高祖踐阼又遣長史馬婁等詣闕  
獻方物馥案宋時所獻雖不明言有馬以晉時方物考  
之知赭白出高驪

### 札樸第三

山陰 李信 校正

札樸第四目錄

覽古

雩

輕脫

梁起雙闕

料數

埠

均

繕

縛

洪祀

汁給

稀

許所

建瓴

病鉤

纒

抵

盈縮

綦

纒

長

娟

摧

撲

摘

桔槔

空閣

澆

廝

滔

沈

濫

望羊

槁暴

楚

大白小白

便程

乍

刁風

憒

苓泠零

意

衍

虛

隱書

孰何

識

疋

輒

窾

癡

輓

筭于

大谷

冰

晏

跼跼

準

衡

熇

烝豚炙豚

臚脹

勞

昆侖

檣聯

屨

欵

炕

湯

暴

駟

旁唐

黥髮

儻

顛

噫

媿

袒

綠醅

劔

靈舍藏

琮

吳句

木變石

古瓦文

顏氏石杯

筆柱

衣急

臣瓚

幘

廟寢

宥器

銑鏡

蜜印

鎗

枰

生草

腰扇

笙簧

帶鉤

笙席

案

隱囊

攏絳

契囊

昭文帶

小兒汲瓶

銅池

札樸第四目錄終

札樸第四

曲阜 桂馥 未谷撰

覽古

雩

王充論衡說論語風乎舞雩為行雩祭鄭注論語同月  
令大雩帝公羊傳大雩疏竝引論語舞雩冠者童子案  
大雩在四月即周之六月龍見而雩是也其他為旱修  
雩多在秋冬無暮春雩祭之禮賈逵曰言大雩者別於  
山川之雩豈山川之雩不關龍見邪

春秋桓五年秋大雩僖十一年秋八月大雩十三年



秋九月大雩成三年秋大雩七年冬大雩襄五年秋  
大雩八年九月大雩十六年秋大雩十七年秋九月  
大雩二十八年秋八月大雩昭三年秋八月大雩六  
年九月大雩八年秋大雩十六年秋九月大雩二十  
四年秋八月大雩二十五年秋七月上辛大雩季辛  
又雩定元年秋九月大雩七年秋大雩九月大雩十  
二年秋大雩

鄭注玉藻云春秋之義周之春夏無雨未能成災至  
其秋秀實之時而無雨則雩馥案襄五年左傳秋大  
雩旱也杜注雩夏祭所以祈甘雨若旱則又修其禮

故雖秋雩非書過也

論衡又謂浴乎沂當爲沿乎沂古人無入水浴體之  
事宋書禮志云周禮女巫掌歲時祓除壘浴如今三  
月上巳如水上之類也壘浴謂以香薰草藥沐浴也  
韓詩曰鄭國之俗三月上巳之溱洧兩水之上招魂  
續魄秉蘭草拂不祥月令暮春天子始乘舟蔡邕章  
句乘舟禊於名川也論語暮春浴乎沂洧上及下古  
有此禮今三月上巳祓於水濱蓋出此也馥案蔡以  
浴沂爲祓禊是知所書石經不作沿也

洪祀

晉書孔嚴傳隆和元年詔以天文失度欲依洪祀之制於太極殿前庭親執虔肅嚴諫曰洪祀雖出尙書大傳先儒所不究歷代莫之興承天接神豈可以疑殆行事乎又江道傳道諫曰臣尋史漢舊制藝文志劉向五行傳洪祀出於其中其文曰洪祀大祀也陽曰神陰曰靈舉國相率而行祀順四時之序無令過差今按文而言皆漫而無適不可得詳又曰按洪祀之文惟神靈大畧而無所祭之名稱舉國行祀而無貴賤之阻有赤黍之盛而無牲醴之奠儀法所用闕畧非一馥謂此二傳當錄附尙書大傳後

### 輕脫

三國志多言爲將輕脫案僖三十三年左傳秦師輕而無禮必敗輕則寡謀無禮則脫入險而脫又不能謀能無敗乎杜注脫易也

### 汁給

集韻歲在未曰汁給童子逢盛碑作協給爾雅釋天作協洽案五帝叶光紀史晨碑作汁光紀樂緯叶圖徵或作汁圖徵洽給亦以聲近相借

### 梁起雙闕

梁書丘仲孚傳初起雙闕以仲孚領大匠案何胤傳胤

謂王果曰吾昔於齊朝欲陳兩三條事一者欲正郊丘二者欲更鑄九鼎三者欲樹雙闕世傳晉室欲立闕王丞相指牛頭山云此天闕也是則未明立闕之意闕者謂之象魏縣象法於其上浹日而收之象者法也魏者當塗而高大貌也今梁德告始不宜遂因前謬卿宜詣闕陳之沈約上建闕表云萬雉之外兩觀弗興空指南峯縣法無所馥謂梁起雙闕當因諸臣表請而建議者何胤爲之始

秭

徐岳數術記遺黃帝爲法數有十等及其用也乃有三焉十等者億兆京垓秭壤溝澗正載三等者上中下也其下數者十十變之若言十萬曰億十億曰兆十兆曰京也中數者萬萬變之若言萬萬曰億萬億曰兆萬兆曰京也上數者數窮則變若言萬萬曰億億億曰兆兆兆曰京也風俗通千生萬萬生億億生兆兆生京京生秭秭生垓垓生壤壤生溝溝生澗澗生正正生載馥案此言京生秭秭生垓與徐氏京垓秭次第不同說文云十萬曰億又云數億至萬曰秭此皆下數數億至萬曰秭者猶言萬億曰秭也今以下數計之十萬曰億十億曰兆兆百億也十兆曰京京千億也十京曰秭秭萬億

也故曰萬億曰秭與風俗通京生秭次第相符徐氏所列垓在秭前未知其審

料數

玉篇料數也說文數計也秦策以上客料之趙何時亾高注料數通鑑舉宋濫錢之弊云市井不復料數

許所

淮南道應訓今夫舉大木者前呼邪許後亦應之魏子才曰關西方言致力於一事爲所李獻吉日西土人謂著力幹此事則呼爲所馥謂所許聲相近詩伐木許許說文引作所所云伐木聲也

埤

一切經音義埤增也厚也助也案說文溼字云埤增水邊土人所止者此增義也詩北門政事一埤益我傳云埤厚也此厚義也節南山天子是飶箋云飶輔也王肅作埤廣雅埤助也此助義也

建瓴

漢書高帝紀譬猶居高屋之上建瓴水也案戴侗云瓴牝瓦仰蓋者仰瓦受覆瓦之流所謂瓦溝

均

國語出均立度案樂叶圖徵云聖人承天以立均宋均

注均長八尺施弦以調六律也馥案京房作準以定律準以竹均以絲

病鈎

趙策武安君曰緹病鈎身大臂短不能及也馥謂病鈎猶病弩漢書音義如淳曰弩病兩足不能相過鈎弩皆取象為名

繕

廣韻繕繕也釋詁繕善也案三蒼繕治也繕之言善也詩叔於田序繕甲治兵箋云繕之言善也周禮縫人注同

纒

玉篇纒帶也案離騷既替余以蕙纒又為馬腹帶國語懷挾纒纒

縛

釋典多羅樹葉書凡有二百四十縛案廣雅縛束也地官羽人十搏為縛注云縛羽數束名也

抵

列子無底之谷名曰歸墟漢書項籍傳請斬獄掾曹咎書抵櫟陽獄史司馬欣應劭曰抵相歸抵也食貨志天下大氏無慮皆鑄金錢又云大氏皆遇告顏注氏讀曰

抵歸也大氏猶言大凡也

盈縮

國語盈縮轉化盈當爲縕通作羸國策縮於財用則匱注云縮羸之反也班固幽通賦故遭罹而羸縮

綦

綦有四義一曰履廣雅綦履是也二曰履飾漢書揚雄傳履攬槍以爲綦顏注綦履下飾也晏子景公爲履黃金之綦西京雜記趙飛燕女弟遺七寶綦履後漢書劉盆子傳俠卿爲制直綦履章懷注綦履文也蓋直刺其文以爲飾是也三曰屨系士喪禮夏葛屨冬白屨皆總

緇絢純組綦繫於踵鄭注綦屨系也所以拘止屨是也四曰履迹班婕妤賦俯視兮丹墀思君兮履迹晉灼曰綦履迹也張景陽雜詩庭無貢公綦是也

纒

廣韻纒下引韋昭云繫也漢書揚雄傳虹蜺爲纒顏注纒系也李善注文選纒旗上繫也方言所以縣帶宋魏陳楚江淮之間謂之纒

長

說文媯長兒姪長好兒豔好而長也媯弱長兒論衡上世之人侗長佼好史記蘇秦傳後有長佼美人爾雅委

委佗佗美也孫炎云佗佗長之美神女賦穠不短纖不長登徒子好色賦增之一分則太長減之一分則太短洛神賦穠纖得中修短合度馥謂穠短不如纖長楚王所以愛細腰也

娟

娟本作嫵廣韻嫵娥眉兒宋玉神女賦眉聯娟以蛾揚洛神賦修眉聯娟

摧

漢書五行志摧其眼以爲人晁注云摧謂敲擊去其精也案史記刺客傳秦始皇惜高漸離善擊筑重赦之乃

矐其目索隱云以馬矢熏令失明集韻矐或作矐

撲

字林手相搏曰撲通俗文爭倒曰撲晉中興書石勒與李陽共相打撲是也又秦漢之刑曰囊撲說苑陛下車裂假父囊撲兩弟東觀漢記鄧太后收杜根囊盛撲殺之執法者私語行事人使不加力先賢行狀杜根伏誅誅者皆絹囊盛於殿上撲地根以撲輕得蘇息又器曰撲滿滿則撲地破之西京雜記國人贈公孫宏撲滿一枚是也

摘

淮南本經訓擿蚌蜃高注擿猶開也開以求珠也馥案  
擿當爲摘說文摘有拓義增韻拓序開也揚雄甘泉賦  
拓迹開統拓亦借字當爲拓字書拓張衣令大也太元  
天地開闢宇宙拓袒

桔槔

莊子天運篇桔槔者引之則俯舍之則仰文穎說烽火  
云櫓上作桔槔以薪置其中有寇則然之其字皆從木  
通俗文機汲謂之擦捍字皆從手

空閱

莊子空閱來風司馬云門戶孔空風善從之又云瞻彼

闕者虛室生白司馬云闕空也蓋指室之牖宋玉風賦  
空穴來風

澆

王注楚辭回波爲澆胡注通鑑水洄洑曰澆吐谷渾有  
澆河呂光開以爲郡此郡蓋置於澆河洄曲處今作洮  
斯

史記河渠書乃斯二渠以引其河漢書溝洫志斯作醜  
孟康云醜分也馥謂斯卽斯斯亦分也

滔

廣雅滔漫也詩天降滔德傳云滔漫也堯典浩浩滔天



傳云浩浩盛大若漫天

沈

漢書刑法志山川沈斥注云斥卽斥鹵沈卽川澤風俗通山澤篇沈者莽也言其平望莽莽無涯際也沈澤之無水斥鹵之類也述征記有鳥當沈續記云齊人謂湖爲沈

濫

申鑿水可使不濫不可使無流案何晏曰濫溢也孟子洪水橫流汜濫於天下漢書司馬相如傳汎淫汜濫

望羊

春秋元命苞武王柔肩望羊晏子春秋杜肩望羊待於朝大戴禮武王望羊哀十四年左傳長而上僂望視杜注目望羊字又作洋莊子秋水篇河伯始旋其面目眦洋向若而歎釋文云司馬崔云眦洋猶望羊仰視貌馥案正作陽論衡骨相篇武王望陽

周禮內饗豕盲眦而交睫腥杜子春云盲眦當爲望視賈疏云內眦爲遙望之字

信案望陽言能望視太陽如丁謂者也

槁暴

荀子木揉以爲輪其曲中規雖有槁暴不復挺者馥案槁借字當爲斲考工記斲雖弊不斲鄭注斲斲暴

楚

六書故楚一名荆捶人卽痛因名楚痛

大白小白

禮明堂位殷之大白巾車革路建大白以卽戎注以大  
白爲殷旂釋名白旂殷旂也帛繼旂者也詩六月白旂  
央央傳云白旂繼旂者也馥謂白爲旂之正色詩之白  
旂卽禮之大白建於戎車齊桓公名小白謂白旂之小  
者杜注定四年左傳云令賤人施其旂執以從會卽小  
白故可手執

便程

書平秩東作史記作便程詩秩秩大猷說文引作戠戠  
又戠讀若詩威儀秩秩程戠戠從呈與秩聲相近  
作

玉篇作慙也顏色變也分兩義論語其言之不作馬融  
曰作慙也此慙義也曲禮容毋作鄭注作慙顏色變也祭  
義孝子臨尸而不作鄭注色不和曰作此色變義也

刁風

今謂善訟爲刁風南北通行此字循習不察案史記貨  
殖傳而民雕捍少慮索隱云言如雕性之捷捍也馥謂  
刁字省筆吏胥苟趨簡易用以代雕耳

木抄卷四  
二  
憒

玉篇憒疲也聲類憒短氣兒也前燕錄慕容雋寢疾曰  
吾患憒頓恐不濟通鑑北齊常山王演抱王晞曰吾氣  
息憒然恐不復相見

苓泠零

文選七發蔓草芳苓李善注苓古蓮字天官內饗羊泠  
毛而毳羶徐邈讀泠爲朗年反廣韻零落賢切先零西  
羌也漢書趙充國傳先零豪言願時渡湟水北注零音  
憐

意

玉篇意思也憶意不定往來念也禮記大學正義云總  
包萬慮謂之心爲情所意念謂之意禮運非意之也注  
云意心無所慮也正義云謂於無形之處用心思慮也  
無慮卽慮無也詩思皇多士箋云思願也正義云以意  
之所思必情之所願也

衍

書有溢字曰衍文衍當爲羨或省作羨孟子以羨補不  
足詩四方有羨傳云羨餘也穆天子傳南絕沙衍沙衍  
卽沙羨水經注江水東北至江夏沙羨縣漢書溝洫志  
河災之羨溢中國也尤甚顏讀羨與衍同史記貨殖傳

時有奇羨注云謂時有餘衍也司馬相如傳功羨於五  
帝司馬彪云羨溢也周禮大祝辨九祭二曰衍祭先鄭  
云衍祭羨之道中典瑞璧羨以起度先鄭云羨長也長  
讀直亮切論語長一身有半世說王恭曰恭作人無長  
物

漢志江夏郡沙羨晉灼曰羨音夷廣韻收羨字於六

脂部

虛

上虛借爲虛實字因上有空義也孟康注漢書云西方  
謂亾女壻爲上壻上空也

隱書

漢書藝文志隱書十八篇注云劉向別錄云隱書者疑  
其言以相問對者以慮思之可以無不喻馥案釋言隱  
占也注云隱度少儀軍旅思險隱情以虞注云隱意也  
思也虞度也常思念己情之所能以度彼之將然否後  
漢書安帝紀隱視幽心注云隱審盡心

孰何

史記衛綰傳不譙呵綰漢書作孰何李奇曰孰誰也何  
呵也馥案孰當爲敦說文敦誰何也

識

漢石經論語賢者志其大者今論語作識案識古作志  
周禮保章氏掌天星以志星辰日月之變動僖二十四  
年左傳以志吾過鄭注竝云志古文識識記也

尪

說文允尪曲脛也易大有匪其尪虞翻云足尪體行不  
正書洪範六曰弱傳云尪劣昭七年左傳孟縶之足不  
良弱行注云跛也馥案此皆言足疾也一切經音義尪  
與允同引通俗文短小曰尪崔鴻後趙錄王謨尪短無  
威儀呂氏春秋明理篇盲禿偃尪注云尪短仰者也馥  
案此皆言短疾也檀弓天久不雨吾欲暴尪而奚若注

云尪者面鄉天覬天哀而雨之僖二十一年左傳公欲  
焚巫尪注云或以爲尪非巫也瘠病之人其面上向俗  
謂天哀其病恐雨入其鼻故爲之旱呂氏春秋盡數篇  
苦水之所多尪與偃人注云尪突胷仰面疾也馥案此  
皆言仰疾也玉篇允僂也古文苑短人賦其餘尪公劣  
厥僂窶馥案此皆言僂疾也荀子正論篇是猶偃巫跛  
匡大自以爲有知也注云匡讀爲尪廢疾之人王霸篇  
是故百姓賤之如佺注云字書無佺字蓋當爲尪病人  
也抱朴子洪稟體尪羸臧榮緒晉書山濤子淳元尪疾  
不仕馥案此皆未言其何疾也

輶

史記建元以來王子侯年表有城陽頃王子輶侯劉息  
徐廣曰輶一作報漢書五行志輶山石轉立晉灼曰漢  
注作報山馥案報當爲執取其聲也集韻輶質入切音  
執

窾

廣韻窾空也案子華子論醫云空窾之塞也莊子道大  
窾漢書楊王孫傳窾木爲匱服虔曰窾音款窾空也通  
作款釋器鼎款足者謂之鬲謂足中空也莊子款啟寡  
聞之夫注云款空也漢書司馬遷傳實不中其聲者謂

之款服虔曰款空也太史公自敘作窾窾字見於諸書  
音義甚明玉篇失載

癡

語林王藍田少有癡稱王丞相辟之旣見云王掾不癡  
何以云癡案尸令癡瘖侏儒腰折一肢廢如此之類皆  
爲癡疾馥謂癡爲癡疾之一人謂藍田癡故有癡稱

輶

方言車轄齊謂之輶注云車軸頭也馥案史記田單傳  
令其宗人盡斷其車軸末而傅鐵籠已而燕軍攻安平  
城壞齊人走爭塗以轄折車敗爲燕所虜唯田單宗人

以鐵籠故得脫馥謂轡籠字異義同

錚于

宋書言錚于之制上有銅馬馥謂非馬蓋駁獸也駁似馬故作馬形凡鐘上皆飾猛獸容齋續筆言所見錚于有虎鈕是也

大谷

閒居賦張公大谷之梨李善云大谷未詳案王廙洛都賦梨則大谷冬熟張公秋黃華延洛陽記城南五十里有大谷舊名通谷陳思王贈白馬王詩大谷何寥廓

冰

集韻冰逋孕切案李義山詩碧玉冰寒漿又琉璃冰酒缸又簟冰將飄枕唐書韋思謙傳涕泗冰須皆讀去聲

晏

急就篇屏廁清圉糞土壤顏注屏僻晏之名也馥謂晏當爲偃莊子庚桑篇適其偃注云偃屏廁也屏廁則以偃浚是也屏當爲屏

跼跼

或問後漢書馬援傳飛鳶跼跼墮水中跼跼作何義訓奮曰依字當作跼漢書音義如淳曰跼近邊欲墮之意瓚曰跼危欲墜之意也

陆音鹽董衡唐書釋音誤作都念切

準

木工一目衰視謂之準淮南齊俗訓眇者使之準高注  
目不正因令睇又汜論訓夫繩之為度也可卷而伸也  
引而伸之可直而睇西京雜記鄒陽几賦眇者督直龔  
者磨龔班固荅賓戲離婁眇目於豪分太白陰經說水  
平槽云三池浮木齊起眇目視之齒齊平則為天下準  
式

炕

漢書揚雄傳炕其氣顏注炕絕也馥案王莽傳皆炕龍

絕氣

黻

玉篇黻面垢也淮南修務訓舜黻黑劉向九歎顏黻黻  
以沮敗兮

煬

煬有二義郭注方言云今江東呼火熾猛為煬文選賦  
颺檟燎之炎煬此一義也列子黃帝篇煬者避竈司馬  
云對火曰煬淮南云富人衣纂錦貧人煬竈口此又一  
義也

煇



淮南時則訓湛熇必潔高注熇烝炊也馥案熇借字當  
為饔特牲饋食禮主婦視饔爨於西堂下鄭注炊黍稷  
曰饔

暴

方言烈暴也案蔡中郎聞燒桐火烈聲知為良木火烈  
卽暴也鹽鐵論苟為無本若蒿火暴怒而無繼

烝豚炙豚

京師貴食烝豚炙豚鹽鐵論古者燔黍食稗而燂豚以  
相饗廣雅燂謂之魚字書魚烝也詩閼宮傳云毛魚豚  
也鄭注地官封人云毛魚豚者爛去其毛而魚之

駟

釋言駟傳也舍人曰尊者之傳也馥案襄二十一年左  
傳祈奚乘駟而見宣子昭五年傳楚子以駟至於羅汭  
晉語乘駟自下脫會秦伯於王城晏子春秋乘駟而自  
追晏子此皆尊者之傳

臙脹

急就篇寒氣泄注腹臙脹案易通卦驗人足陽明脈盛  
多病臙腫續漢書律歷志注小暑病臙腫

旁唐

廣韻苾碭山名案漢書司馬相如傳珉玉旁唐顏注旁

唐文石也唐字本作礪馥謂旁唐卽苾礪說文礪文石也

勢

廣雅勢屠也玉篇勢與剔同案詩狄彼東南箋云狄當作剔白虎通狄者易也淮南子俞兒狄牙卽易牙說文逃古文作湯

黥髮

昭二十八年左傳有仍氏女黥黑而甚美光可以鑑杜注美髮爲黥正義云黥卽鬢也詩鬢髮如雲傳云黑髮也馥案或作縝廣雅縝黑也謝朓詩有情知望鄉誰能

縝不變

昆侖

竹書穆王十七年西征昆侖上案禹貢雍州織皮崑崙析支渠搜西戎卽敘鄭注崑崙謂別有崑崙之山非河所出者也馬注昆侖在臨羌西漢志金城臨羌縣西有弱水昆侖山祠逸周書王會解正西有昆侖等九國是也

晉書張駿傳酒泉太守馬岌上言酒泉南山卽崑崙之體也周穆王見西王母樂而忘歸卽謂此山宜立西王母祠

儻

通俗文雇載曰儻漢書鄭當時傳當時爲大司農任人賓客儻謂受雇賃而載運也

檣聯

楚詞九歌擗蕙檣兮旣張說文檣屋檣聯也文選西京賦鏤檻文槐李善引聲類槐屋連綿也馥謂連綿卽檣聯廣韻棉屋聯棉是也淮南本經訓縣聯房植高注縣聯聯受雀頭箸桷者釋名桷或謂之椹椹綿也綿連椹頭使齊平也上入曰爵頭形似爵頭也通鑑陳起三閣縣楣闌檻皆以沈檀爲之胡注縣楣橫木施於前後兩

楹之間下不裝構今人謂之挂楣馥謂縣楣卽縣聯也

顛

顏氏家訓北土通呼物一凶改爲一顛馥案漢書賈山傳使其後世會不得蓬顛蔽冢而託葬焉顏注顛謂土塊

廩

廣雅廩重也案玉篇廩辰也辰重脣也

噫

士虞禮聲三啓戶注云聲者噫歆也將啓戶警覺神也馥案噫卽欬也噫欬聲相近曲禮車上不廣欬疏云欬

聲欵也聲當爲警列子黃帝篇宋康王警欵莊子徐無鬼篇況乎昆弟親戚之警欵其側

欵

王褒九懷靈土忽兮塵塵西京賦欵從背天薛綜注欵之言忽也馥案俗或作欵史記索隱引孔臧與孔安國書舊書潛於壁室欵而復出風俗通義臧仲英家人作食設案欵有不清塵土投汚之蜀志卻正傳故從橫者欵披其胷狙詐者暫吐其舌也後漢書何進傳大將軍不稱疾不臨喪不送葬今欵入省此意何爲夏侯湛獵兔賦或紛欵以驚鴛異苑荷堅剖周虢棺臨視虢屍欵

回眸又云句吳平川門前生青桐平惡而斫殺後死桐欵自還立於故根上魏書獻明賀皇后夢日出室內寤而見光自牖屬天欵然有感賈岱宗大狗賦聞林獸之羣爭欵斷鑠而齧石顏魯公多寶塔銘下欵崛以踴地又須彌之客欵入芥子集異記明皇射一鶴將及地欵然矯翰西南而逝

蠅

太元蠅其膏案蠅當爲蠅玉篇以蠅爲古孕字淮南精神訓一月而膏文子九守篇精氣爲人人受天地變化而生一月而膏

袒

玉篇褐馬背袒衣也馥謂袒衣者馬背覆衣無袖如人之袒也孟子許子衣褐趙注褐以毳織之若今馬衣也高誘注淮南云褐毛布如今之馬衣定八年左傳主人赫衝或濡馬褐以救之杜注馬褐馬衣

袒褐當作但褐說文但褐也袒衣縫解也今以袒代但以綻代袒內則衣裳綻裂注云綻猶解也

衣急

廣韻褊衣急案詩維是褊心傳云褊急也說文急褊也

綠醪

吳都賦飛輕軒而酌綠醪當作淥酈西京雜記鄒陽酒賦其品類則沙洛淥酈文選筵賦傾縹資以酌酈李善引吳錄地瑤志湘東酈水以爲酒有名張載酈酒賦匪徒用法之窮理信泉壤之所鍾齊民要術有作酈酒法水經注耒水云酈縣有酈湖湖中有洲洲上民居彼人資以給釀酒甚醇美謂之酈酒歲常貢之荊州記長沙郡酈縣有酈湖周回三里取湖水爲酒酒極甘美又云淥水出豫章康樂縣其間烏程鄉有酒官取水爲酒酒極甘美與湘東酈湖酒年常獻之世稱酈淥郭仲產湘州記衡陽縣東南有酈湖土人取此水以釀酒其味醇

美所謂酃酒晉平吳始薦酃酒於太廟是也宋書庾炳  
之傳在尙書中令奴酤酃酒利其百十夏仲御別傳爰  
有天水玄酎長安清醇雜以東酃碧素苾芬北史長孫  
嵩傳劉裕遺以酃酒通鑑陸納破丁道貴於淶口注云  
衡陽縣東二十里有酃湖其水湛然綠色取以釀酒甘  
美謂之酃淶淶口卽酃湖口也

臣瓚

漢書注有臣瓚水經注稱薛瓚案後秦記姚襄遣參軍  
薛瓚使桓溫卽其人也

信案陳寔兩山墨談日案晉中興書監和嶠嘗領命  
校正穆天子傳五卷瓚乃其校書官屬郎中傳瓚也  
後人取其說以釋漢書故有臣瓚注語此於臣字雖  
著實而穆天子傳文無與漢書可通薛瓚之說爲優

劔

劔者人所帶兵也其末謂之鉞又謂之鏃其刃謂之臘  
亦謂之劓中央隆起謂之脊通謂之身亦謂之莖所以  
受莖謂之夾所以飾夾謂之緌以韋謂之鞞鞞其鼻謂  
之鐔亦謂之珥鼻玉謂之琕首飾謂之鑷其柎謂之削  
亦謂之鞞亦謂之櫝亦謂之室又謂之廓所以韜櫝謂  
之衣衣謂之袂又謂之袂襜其帶謂之繫

鐔有兩義廣韻屬侵部者訓劒鼻屬覃部者訓劒口  
說文鐔劒鼻也廣雅劒珥謂之鐔釋名劒其旁鼻曰  
鐔鐔尋也帶所貫尋也王逸注楚辭玉珥謂劒鐔也  
司馬彪注莊子鐔劒珥也鮑注國策鐔珥鼻也此皆  
主劒鼻言之三蒼鐔劒口也集韻劒口謂之鐔顏注  
急就篇鐔劒刃之本入把者也又注漢書韓延壽傳  
鐔劒喉也鄭司農注考工記莖謂劒夾人所握鐔以  
上也此皆主劒口言之

幘

小爾雅幘褕謂之童容案幘亦作幘淮南子渠幘以守

高注渠甲名幘幘所以禦矢

靈舍藏

拾遺錄太上皇以寶劒賜高祖藏於瑤庫有白氣從戶  
中出如龍蛇呂氏更瑤庫名曰靈舍藏惠帝卽位以此  
貯禁兵名靈舍府馥案三輔黃圖武庫蕭何造以藏兵  
器呂后改庫曰靈金藏然則靈舍者靈金之誤

廟寢

釋宮室有東西廂曰廟無東西廂有室曰寢戴侗曰宮  
前曰廟後曰寢今王宮之前殿士大夫之聽事是也虞  
箴曰民有寢廟巧言之詩曰奕奕寢廟傳曰夫鼠不穴

寢廟畏人故也猶後世言廟朝廟堂也死則異爲宮而祭之有廟而無寢謂之祖廟禩廟通謂之宗廟

琮

三禮圖所畫琮八出陳祥道禮書云體方而四角漢碑所圖則五角或十角

宥器

家語魯桓公之廟有宥坐之器虛則敲中則正滿則覆明君以爲至誠故常置之於坐側馥案文子守弱篇三皇五帝有勸戒之器命曰侑卮周禮春官膳夫以樂侑食大司樂王大食三宥皆令奏鐘鼓是侑與宥通侑卮

卽宥坐之器

吳句

刀有號吳句者案鯁魚名禹四海異物大都魚刀鄭注魚刀魚兵如刀者也

銑鏡

陳書蕭摩訶傳遙擲銑鏡正中其額案集韻銑鏡小鑿也說文銑小鑿

木變石

青州都統慶公見惠黑龍江木變石刀子爲言古木沈水年久化爲石故俗呼木變石舉示坐客無能稱其物



也案周書王會夷用闢木孔晁注夷東北夷也木生水  
中黑色而光其堅若鐵馥謂木變石卽闢木但孔謂生  
水中與都統目驗者異集韻闢木名此據王會爲說閻  
百詩尙書古文疏證云寧古塔與肅慎相近水中木變  
爲石卽石砮也榆變者上松變者次之說與都統合

蘇長公集有順濟王廟新獲石砮記云得古箭鏃槩  
鋒而劔脊其廉可劖而其質則石也異哉此孔子所  
謂楛矢石砮肅慎氏之物也何爲而至此哉

晉書肅慎氏傳其國東北有山出石其利入鐵將取  
之必先祈神周武王時獻其楛矢石砮馥案此言石

砮出於山中又異矣唐書盤盤國在南海石爲矢鏃  
今緬江亦有木變石與黑龍江所出同

魏志景元三年肅慎貢弓長三尺五寸楛矢長一尺  
八寸所稱魏尺邪周尺邪晉時肅慎每貢其矢亦言  
一尺八寸若仍是周尺苟最何不據以定樂豈肅慎  
之尺亦隨時變與魏晉等邪

蜜印

古官印有歿後隨葬者吳志孫琳傳發孫峻棺取其印  
綬是也有繳上者晉書陶侃傳遣左長史奉送太尉章  
荆江州刺史印是也若追贈之爵則用蜜印示不復用

魏王基碑贈以東武侯蜜印綬晉書山濤傳策贈司徒  
蜜印紫綬唐音癸籤贈官刻蠟爲印謂之蜜印西京雜  
記南越王獻高帝蜜燭二百枚卽今之蠟燭

### 古瓦文

秦漢瓦頭文有蘭沱宮當宗正宮當案史記司馬相如  
傳華榱璧璫司馬彪曰以璧爲瓦之當也西都賦裁金  
璧以飾璫又李尤平樂館銘棼梁照曜朱華飾當廣雅  
棺當謂之牀又云牀棺頭然則瓦當謂瓦頭也瓦文曰  
狼千萬延卽琅玕也漢書王子侯表皋琅侯遷地理志  
西河郡作皋狼瓦文曰衛屯張平子西京賦衛尉八屯

警夜巡晝五臣注屯營也長水中壘屯騎武賁越騎步  
兵射聲胡騎言此八屯皆衛尉掌之晝夜巡警瓦文曰  
樂當大萬或以萬字下半反書例應左行讀作大萬樂  
當定爲大予樂署瓦馥又見一錢范背有文曰富人大  
萬萬字亦反書漢書劉向傳功費大萬百餘乃知大萬  
漢人習語樂讀爲長樂未央之樂故又有單文樂字瓦  
也

漢器萬字多反書漢印有平字者亦然漢碑年命字  
多垂長

鎗

說文總鎗總也集韻鎗釜屬通作鎗南齊書蕭穎胄傳  
上慕儉欲壞鑄太官元日上壽銀酒鎗馥案鎗卽鎗總  
今之鎗也竟陵王子良遺何點嵇叔夜酒杯徐景山酒  
鎗以通意

古人有元日上壽酒具東觀漢記今日歲首請上雅  
壽注云雅酒鬪

### 顏氏石杯

吾邑顏氏有石杯其家相傳石出外國可鍊成金案顏  
說乃鑰石鑰石似金可鍊出波斯國鑰石可引水銀惜  
未試之

談藪周捨謂沙門法雲曰孔子不飲盜泉之水法師  
何以捉鑰石香鑪蓋鑰音如偷

### 枅

廣韻枅承衡木也案南齊書王敬則傳從市過見屠肉  
枅歎曰吳興昔無此枅是我少時在此所作也馥以爲  
屠家稱肉用枅以承衡

### 筆柱

傅元謂漢末人筆豐狐之柱秋兔之翰崔豹古今注古  
以枯木爲管鷹毛爲柱羊毛爲被王羲之筆經探豪竟  
以麻紙裹柱根次取上豪薄薄布令柱不見然後安之

馥案筆柱卽筆心也筆墨法云作筆當以織梳梳兔豪毛及羊脊毛羊脊爲心名曰筆柱或曰墨池

生草

莊子讓王篇環堵之室茨以生草新序節士篇原憲居魯環堵之室茨以生蒿案生謂鮮草未乾卽牽蘿補屋之意

腰扇

通鑑褚淵入朝以腰扇障日胡注腰扇佩之於腰今謂之摺疊扇馥案腰扇如腰鼓謂中腰瘦減異於團扇韋昭說屏攝云攝形如翼扇高注淮南汜論訓云翼狀如

今要扇

笙簧

先鄭注春官笙師云笙十三簧說文廣雅三禮圖竝同惟高誘注呂氏春秋五月紀云笙十七簧案郭注爾雅大者十九簧小者十三簧宋書樂志宮管在左旁十九簧至十三簧曰笙然則高所云十七在十九十三之間笙正月之音陽聲也故三七九皆奇數

帶鉤

余見古銅帶鉤數十枚皆作螳螂形卽革帶所施隋書禮儀志革帶案禮博二寸今博三寸半加金縷鰈螳螂

鉤以相拘

笙席

梁書顧憲之傳連歲疾疫死者大半棺木尤貴悉裹以笙席棄之路旁案左太沖吳都賦桃笙象簟劉淵林注云桃笙桃枝簟也吳人謂簟爲笙

案

玉篇案几屬也食器也馥按四愁詩何以報之青玉案李善曰玉案君所憑倚東宮舊事太子納妃初拜有漆金渡足奏案一枚江表傳孫權拔刀斫前奏案曰諸將復有言迎曹者與此案同東觀漢記更始韓夫人侍飲

見常侍奏事怒起抵破書案廣韻曹公作欹案臥視書又上雜物疏有純銀鏤帶漆畫書案一枚南史江乘之爲臨海太守作書案一枚梁簡文帝書案銘性廣和平文彫非曲廁質錦帳承芳綺縟被召通今按奸治俗刻香鏤采織銀卷足馥謂此皆言几屬也方言案陳楚宋魏之間謂之檯自關東西謂之案急就篇檯杆槃案栝間盃顏注無足曰槃有足曰案所以陳舉食也考工記玉人之事案十有二寸棗栗十有二列注云棗栗實於器乃加於案楚漢春秋淮陰侯曰臣去項歸漢漢王賜臣玉案之食史記高祖過趙趙王張敖自持案進食漢

書萬石君對案不食貢禹傳見賜杯案畫文金銀飾非所以食臣下也東觀漢記尹敏與班彪相談常對案不食又云蔡彤在遼東賜錢百萬下至杯案食物大小重沓鹽鐵論今民間酒食殺旅重疊燔炙滿案又云常民文杯畫案又云垂拱持案食者不知蹠耒躬耕者之勤也燕丹子太子常與荆軻等案而食烈士傳魏公子無忌方食有鳩入其案下文苑僮約滌杯整案注云案以設飲食之具孟光舉案齊眉吳志步騭傳征羌作食身享大案殺膳重沓以小盤飯與騭惟菜茹而已曹瞞傳及歡悅大笑至以頭沒杯案中肴膳皆沾滂巾幘神

仙傳吳興人沈羲爲仙人所迎上見老君玉女以金案玉杯藥賜羲夢書夢見杯案賓客到也馥謂此皆言食器也

### 隱囊

今牀榻閒方枕俗呼靠枕卽隱囊也通鑑陳後主倚隱囊置張貴妃於席上注云隱囊者爲囊實以細軟置諸坐側坐倦則側身曲肱以隱之馥案隱讀如孟子隱几之隱昔人用於車中說文紕車紕也急就篇鞞鞞鞞鞞鞍鑣錫顏注鞞韋囊在車中人所凭伏也今謂之隱囊

### 攏袴

今於足衣外復著短袴謂之攏袴馥謂攏當爲齠說文齠羽獵韋袴雲南人用韋爲之

### 契囊

漢書趙充國傳張子孺持囊簪筆事孝武帝張晏云囊契囊也近臣負囊簪筆從備顧問隋書禮儀志云中世以來惟八座尙書執笏笏者白筆綴其頭以紫囊裹之其餘公卿但執手版荷紫者以紫生爲袂囊綴之服外加於左肩周遷云昔周公負成王制此衣至今以爲朝服蕭驕子云名契囊

說文曰佩也卽笏字

徐廣車服雜注古者貴賤皆執笏有事則書之常簪筆

晉書輿服志古者貴賤皆執笏其有事則搢之於腰帶間所謂搢紳之士者搢笏而垂紳帶也笏者有事則書之故常簪筆今之白筆是其遺象手板卽古笏矣手板頭復有白筆以紫皮裹之名曰笏

南齊書輿服志其肩上紫袷囊名曰契囊世呼爲紫荷

梁書周捨問劉杳尙書官著紫荷囊相傳云挈囊竟何所出杳答曰張安世傳曰持橐簪筆事孝武皇帝

數十年韋昭張晏注竝云橐囊也近臣簪筆以待顧問

### 昭文帶

古玉器有昭文帶蓋佩劔之器本名琕說文琕劔鼻玉也漢書王莽傳孔休侯莽莽進其玉具寶劔曰誠見君面有癥美玉可以滅癥欲獻其瑑耳卽解其瑑顏注瑑字本作琕後轉寫者譌也馥審其製參以今之帶刀法蓋大帶與兩劔繫竝毋於穿中劔把昂向前故短其繫繞穿之左劔首俯向後故長其繫繞穿之右兩繫分繞使劔不移穿旣受帶亦不移矣周遷輿服雜志漢儀諸

臣帶劔至殿階解劔晉世始代之以木廣韻櫛劔古木劔也馥謂劔本武備後世以木爲佩飾故有昭文之稱也

隋書禮儀志案漢自天子至於百官無不佩刃蔡謨議云大臣優禮皆劔履上殿非侍臣解之蓋防刃也近代以木未詳所起東齊著令謂之象劔言象於劔馥案晉書輿服志亦言晉始代之以木新唐書柳冕傳帝問象劔尺寸通鑑開成元年郭皎奏諸司儀仗有鋒刃者請皆輸軍器使遇立仗別給儀刀注云儀刀以木爲之以銀裝之具刀之儀而已馥謂儀刀猶



象劔也

哀十七年左傳不釋劔而食正義云劔是害物之器不得近至尊故近君則解劔良夫與君食而不釋劔亦不敬也據此則劔履上殿周世已然

小兒汲瓶

或問俗以金銀或桃核造爲汲瓶縣小兒腕間何所依據余不能荅及檢左傳急就篇始得其說昭七年傳云賂以瑤瓊急就云璧碧珠璣玫瑰瓊顏注玫瑰玉名瓊汲瓶今人以雜寶爲盥之屬帶於嬰兒頸下此古之舊事云云是卽汲瓶之所由來也其以桃核蓋祓除之遺

銅池

漢書宣帝紀金芝九莖產於函德殿銅池中如淳曰銅池承霤也案檀弓池視重霤鄭注如屋之有承霤也承霤以木爲之用行水今宮中有承霤云以銅爲之

札樸第四

山陰 李信 校正





